

**МЕСЯЦА МАИЯ В 19-Й ДЕНЬ**  
**СЛУЖБА**  
**СВЯТОМУ БЛАГОВЕРНОМУ ВЕЛИКОМУ КНЯЗЮ**  
**ДИМИТРИЮ ДОНСКОМУ**  
**НА МАЛОЙ ВЕЧЕРНИ**

**На Господи, воззвах: стихиры, глас 1:**

**Б**лаговерне княже Димитрие, / ты во дни жития святителя Алексия возрастая / и молитвами того окормляемь, / в мужа совершенна достигл еси.

**М**олитвами Преподобнаго отца нашего Сергия возвращаемь, / святе Димитрие всечестне, / еще млад сый возрастом, умом же совершен, / князь людей твоих поставлен был еси.

**О**трок еще сый возрастом, святе Димитрие, / житию благонравному ревновав / и в подвизех веры православныя укрепляясь, / в мужа совершенна возростал еси.

**Слава, глас 8:**

**В**едая и слыша о силе агарянстей, / Отечество твое покорившей, / ты, святе Димитрие, молитвы Христу в сердце своем слагал еси, / о еже свободити православныя от врагов, томящих я.

**И ныне, праздника или Богородичен, глас тойже:**

**З**аступнице наша и прибежище, / Дево Чистая, / во вся дни живота нашего, / молитвы о людех вознеси Сыну и Богу Твоему.

**На стиховне стихиры, глас 2:**

**Подобен: Доме Евфрафов:**

**Ж**илище Божие явился еси, / святе Димитрие, / княже всечестне, / не забуди людей твоих / и Отечество твое Российское не остави во веки.

**Стих: Честна пред Господем / смерть преподобных Его.**

**Д**ом добродетелей духовных явился еси, / возлюбленне княже, / святе Димитрие, / темже преславно почитаема есть память твоя, / предстателю наш теплейший.

**Стих: Блажен муж, бояйся Господа, в заповедех Его восхощет зело.**

**И**змлада и до преставления твоего / светильник светлый душу твою соделал еси, / богомудре княже Димитрие, / сего ради от Источника Света / испроси осияния душам нашим.

**Слава, глас и подобен тойже:**

**Б**огомудре княже Димитрие, / нас, грешных сродник твоих, / предстательством твоим не забуди / и в селения Отца Светов / молитвами твоими направи.

**И ныне, праздника или Богородичен:**

Ублажаем Тя, / Чистая Дево Мати, / притекающи к Тебе людие Твои, / святым Покровом Твоим / нас осеняющую.

**Тропарь, глас 3:**

Велика обрете в бедах тя поборника земля Русская, / языки побеждающа. / Якоже на Дону Мамаеву низложил еси гордыню, / на подвиг сей прияв благословение Преподобнаго Сергия, / тако, княже Димитрие, / Христу Богу молися, / даровати нам велию милость.

**Слава, и ныне, праздника или Богородичен.**

Тя ходатайствовавшую спасение рода нашего, / воспеваем, Богородице Дево: / плотию бо от Тебе восприятою Сын Твой и Бог наш, / Крестом восприим страсть, / избави нас от тли, яко Человеколюбец.

## **НА ВЕЛИЦЕЙ ВЕЧЕРНИ**

### **На Господи, возвах: стихиры, глас 4:**

**П**риидите, собори людей Российских, / восхвалим Богом возлюбленного, / доблестного князя Дмитрия, / иже победу преславно над враги одержа / и землю Российскую плена лютаго свободи.

**П**оклонимся благодарне, сынове Российстии, / преславному князю Дмитрию, / власти агарянския нас свободившему, / яко вознесе Господь десницу его / на победу иноплеменник.

**П**рипадем с любовию и почудимся подвигом / князя предивного Дмитрия, / иже собра полки веляя людей Российских / и, помощью Божию покрываемь, / землю нашу от нечестия избави.

**С**паси ны, Сыне Божий, / молитвами благоверного князя Российскаго Дмитрия, / враги наша побори, / Отечество наше сохраняя / от ополчений сих неврежденно.

### **Слава, глас 5:**

**Б**лагословен еси, Христе Боже наш, / преславного князя Дмитрия, / Донским именуема, нам явивый, / иже благодатную помощь сродника своего, / великаго князя Александра Невского, имея, / рати агарянския поразив, / победу велию и славу Отечеству нашему стяжа.

### **И ныне, праздника или догматик, глас 5.**

**В** Чермнем мори / Неискусобрачныя Невесты образ написася иногда: / тамо Моисей, разделитель воды: / zde же Гавриил, служитель чудесе. / Тогда глубину шествова немокренно Израиль: / ныне же Христа роди безсеменно Дева. / Море по прошествии Израилеве пребысть непроходно: / Непорочная по Рождестве Эммануилеве / пребысть Нетленна. / Сый, и прежде Сый, / явлейся яко Человек, / Боже помилуй нас.

### **Вход. Прокимен дне.**

### **И чтения три преподобническая.**

### **На литии стихиры, глас 2:**

**Е**гда гласу Божию, ко спасению Отечества зовущему, внял еси, / святе княже Дмитрие, / тогда, советом святых утверждаемь, / не убоялся еси силы вражия / и на подвиг ратный велий / с братиею твоею устремился еси.

**Е**гда Дух Божий подкрепляше тя, / святе княже Дмитрие, / двигнути полки российския на рати агарянския, / тогда, Богу содействующу тебе, / победу преславною над врагом одержал еси.

**Е**гда, помощью Божию окормляемь, / за землю Российскую стал еси, / тогда, святе Дмитрие, / воинство твое на поле Куликове / премудре уставил еси, / таже и враги преславне одолел еси.

### **Слава, глас 6:**

**В**озвеселитесь, вси чинове российстии, / о подвизах князя Димитрия, / иже молитвенник теплый ко Христу явися, / за люди своя и землю Российскую предстательствуя.

### **И ныне, Богородичен, глас тойже:**

**Н**е отрини, Пренепорочная, / молитвы и воздыхания людей Твоих, / в скорбех, болезнях и нуждах / к Тебе присно притекающих.

### **На стиховне стихиры, глас 5:**

**А**ще и маловременно бысть житие твое, / благоверне княже Димитрие, / обаче селений Господних достигл еси, / память же вечную у Бога обрел еси.

**Стих: Честна пред Господем / смерть преподобных Его.**

**К**репок и мужествен, / взором дивен зело и нравом боголюбив был еси, / святе Димитрие всечестне, / землю Российскую помощью Божию от враг избавил еси, / темже и любовь велию людей твоих стяжал еси.

**Стих: Блажен муж, бояйся Господа, / в заповедех Его восхощет зело.**

**М**олися о людех твоих, / угодниче изрядне, святе Димитрие, / сый в селениих светлых Господа твоего, / Егоже в житии твоём тепле возлюбил еси, / сего ради даже до крове за други твоя подвизался еси.

### **Слава, глас тойже:**

**Р**адуйся и веселися, славнейший граде Москво, / такового заступника себе стяжавый, / славна и мужественна и духом крепка князя Димитрия, / еще же и предстателя скорога о людех пред Господем.

### **Слава, и ныне, праздника или Богородичен.**

**Т**я ходатайствовавшую спасение рода нашего, / воспеваем, Богородице Дево: / плотию бо от Тебе восприятоу Сын Твой и Бог наш, / Крестом восприим страсть, / избави нас от тли, яко Человеколюбец.

## **НА УТРЕНИ**

**На Бог Господь: тропарь праздника дважды.**

**Слава, святого. И ныне, праздника.**

**По 1-м стихословии седален, глас 3:**

**От** возраста отроческаго князь людей твоих явился еси, / богомудре Димитрие, / таже в советех святых возрастая, / державу твою добре управил еси.

**Слава, и ныне, праздника.**

**По 2-м стихословии седален, глас 4:**

**Я**ко во дни мира, такожде и во дни брани, милосердием богатея, / за люди твоя и Отечество подвизался еси Господа ради, / возлюбленне княже, богомудре Димитрие, / темже и о чтущих тя молися.

**Слава, и ныне, праздника.**

**Величание:**

**Величаем** Тя, / святой благоверный великий княже Димитрие, / и чтим святую память твою, / ты бо молиши за нас / Христа, Бога нашего.

**По полиелеи седален, глас 5:**

**Воспоем**, людие, победу преславную, / юже благоверный князь Димитрий за веру православную и Отечество одержа, / той бо имя Святыя Троицы и помощь Пресвятыя Богородицы призва.

**Слава, и ныне, праздника или Богородичен:**

**Пресвятая** Дево, Богородице Марие, / в ратных подвизах, за веру и Отечество совершаемых, люди Твоя заступаеши, / таже и память вечную и спасение тем подаваеши.

**Степенна, глас 4. Антифон 1-й, ихже стихи повторяюще поем:**

**От** юности моя / мнози борют мя страсти, / но Сам мя заступи, / и спаси Спасе мой.

**Ненавидящи** Сиона, / посрамитесь от Господа, / яко трава бо огнем / будете изсохше.

**Слава и ныне:** Святым Духом / всяка душа живится, / и чистотою возвышается, / светлеется Троическим Единством священнотайне.

**Прокимен, глас 4**

**Прокимен:** Честна пред Господем смерть \* преподобных Его.

**Стих:** Что воздам Господеву о всех, яже воздаде ми?

**Всякое дыхание:**

## Евангелие от Матфея, зачало 43. [Мф. 11, 27–30.]

**Рече Господь:** Вся **Мне** предана съть отцем **Моими:** и никтоже знает **Сына,** токмо Отец: ни ѿтца кто знает, токмо **Сын,** и елиже аще воит **Сын** открыти. **Приидите** ко **Мне** вси труждающиса и обремененнии, и аз упокою вы: **Возмите** иго **Мое** на себе и научитесь от **Меня,** яко кроток есмь и смирен сердцем: и обратите покой душам вашим: **Иго** бо **Мое** благо, и время **Мое** легко есть.

### По 50-м псалме стихира, глас 6:

Егда время отшествия твоего прииде, / княже Димитрие всечестне, / тогда ко Господу в молитве простираяся, / о Бозе, Спасе твоём, почил еси, / мир ближним и дальним оставив.

### Канон, глас 4.

#### Песнь 1

**Ирмос:** Моря чермную пучину / невлажными стопами / древний пешествовав Израиль, / крестообразными Моисеовыми руками / Амаликову силу в пустыни победил есть.

**Припев:** Святой благоверный великий княже Димитрие, моли Бога о нас.

Заря пресветлая в рождестве твоём явился еси, / святе Димитрие, Христу возлюбленне, / сродницы же твоя рождением твоим возвеселил еси.

Заря утренняя был еси, святе Димитрие, / возраста отроческа достигая, / Христу молитвы усердная возносити поучался еси.

Заря красная явился еси Отечеству твоему, святе Димитрие, / княжение приим и, в Бога богатея, / в молитве и исповедании веры православныя укреплялся еси.

**Богородичен:** Отроковице Пречистая, / юныя отроки сохраняй и в возраст пришедшия наставляй, / святыя на земли возвращай.

#### Песнь 3

**Ирмос:** Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

Утешение богатое и образ богомудрый имел еси, княже Димитрие, / во отце твоём духовнем, святителе Алексии премудрем, / како управити Отечество твое.

Утешение обильное приял еси в сердце твоём, святе Димитрие, / послушав словеса богомудраго святителя, / к мужеству укреплявшаго тя.

Утешение велие имел еси, богомудре княже Димитрие, / видя многи други твоя / во бранех о Бозе готовыя верно сподвизатися ти.

**Богородичен:** Пресвятая Дево Богородительнице, / Ты мудре люди Твоя ко спасению устрояеши, / соблюди и нас в подвизех благих.

## **Кондак и икос праздника.**

### **Седален, глас 4:**

**Я**ко светильник светел в житии своем людем твоим явился еси, / богомудре Димитрие, княже приснопамятне и боголюбезне. / Не остави нас, меньших братий своих, / о Отечестве нашем молитв твоих теплых просящих.

### **Слава, и ныне, праздника или Богородичен:**

**П**ризри на молитвы наша, Дево Пресвятая, / помощь и спасение людем Отечества нашего подаючи.

### **Песнь 4**

**Ирмос: Вознесена Тя видевши Церковь на Кресте, / Солнце Праведное, / ста в чине своем, / достойно взываючи: / слава силе Твоей, Господи.**

**Т**ерпение велие показал еси, Димитрие премудре, в княжении твоём, / пределы земли твоя укрепляя и защищая.

**Т**ерпение и мудрость явил еси, святе, / в походах твоих на агаряны, / с помощью Божиею побеждая сих.

**Т**ерпение многое имел еси, богомудре Димитрие, / князи российския с полки их объединяя / во едино воинство христолюбивое.

**Богородичен: Пресвятая Богородице, Мати Пречистая, / Сына Твоего присно моли / о еже возрастати и в силу Божию приити избранным Твоим.**

### **Песнь 5**

**Ирмос: Ты, Господи, мой Свет, в мир пришел еси, / Свет Святыи, обращающий из мрачна неведения / верою воспевающий Тя.**

**Д**обродетельми богомудрыми богатея, Димитрие всечестне, / строитель славный града Москвы явился еси, / темже и люди твоя возвеселил еси.

**Д**обродетельми христианскими в житии твоём укрепляясь, святе княже Димитрие, / многи храмы Божии пречудныя по градом княжения твоего воздвигл еси.

**В** добродетелех возрастая, Димитрие премудре, / дом и княжество твое добре управил еси, / во Христе Спасе обогащаяся.

**Богородичен: Дево Пренепорочная, Мати Христа Бога, / люди и князи Твоя в мире соблюди / и в добродетелех многоименитых возрасти.**

### **Песнь 6**

**Ирмос: Пожру Ти со гласом хваления, Господи, / Церковь вопиет Ти, / от бесовския крове очищися, / ради милости от ребр Твоих / истекшею Кровию.**

**С**мирennemудрие удоборазсудительное и любовь изрядную к верным людем твоим показал еси, / преславне княже Димитрие, / егда ко брани велией на Мамаю ополчился еси / со сродники и други своими.

Смиренномудрие велие явил еси, святе Димитрие, / егда к стопам Сергия Преподобнаго припал еси, / того благословения на подвиг ратный испрошая.

Смиренномудрие и послушание явил еси отцу твоему, Сергию великому, / егда благословением того два инока боголюбивая, Александра и Андрея, / в воинство твое приял еси.

**Богородичен:** Дево Пренепорочная, Надеждо наша непостыдная, / во дни испытаний и скорбей великих не остави молящихся Тебе.

### **Кондак, глас 2:**

Подвиги твоими, святе Димитрие, / страну нашу Бог сохрани, / Давый тебе силу непобедимую. / И ныне, предстателю крепкий, / соблюдай молитвами святыми / град твой Москву невредим / от всех навет вражиих.

### **Икос:**

Измлада заповедем Господнем поучаяся / и любовь Христову в сердце своем стяжавая, святе Димитрие, княже всечестне, / словесем Господним и наставлению святых отец, Алексия и Сергия, внимая, / в мужа совершенна достигл еси, / таже победу преславну одержал еси. / И ныне, предстателю крепкий, соблюдай молитвами святыми / град твой Москву невредим от всех навет вражиих.

### **Песнь 7**

**Ирмос:** В пещи авраамстии отроцы персидстей, / любовь благочестия паче / нежели пламенем опаляеми, взываху: / благословен еси в храме славы Твоея, Господи.

На избавление Божие уповая, блаженне княже Димитрие, / пред началом брани благословение отца твоего Сергия прият / и, подвигом инока Александра вдохновляем, в битву со враги твоими вступил еси.

Избавления от враг лютых не чаючи, / стеньше земля от крове воев твоих проливаемая, / сам же ты, княже Димитрие, в одежде воина препростаго с врагом мужественне сражался еси.

Избавления не ждаху мнози преславнии князие и вои твои, / души полагающе за други своя на поле Куликове, / воевода же Бренко Михаил под знаменем Спасовым за тя погибе.

**Богородичен:** Избавительнице крепкая, Богородительнице Пречистая, / честною иконою Твоею, яже Донская наречется, / укрепила еси люди Твоя в смертней брани велицей, / землю Российскую спасаючи.

### **Песнь 8**

**Ирмос:** Руце распростер Даниил, / львов зияния в рове затче, / огненную же силу угасиша, / добродетелию препоясавшися, / благочестия рачители, отроцы, взывающе: / благословите, вся дела Господня, Господа.

Чудо преславное бысть, победа воинства российского, / тобою, княже Димитрие, собраннаго, / егда полцы князей Владимира и Димитрия Волынского на орду агарянскую внезапно изыдоша / и в бегство тую обратиша.



**Ч**удо непостижно бысть, / егда земля Российская поколебася от шума бегства агарянского. / Ты же, славне Димитрие, многи раны прием, на земли сей, яко мертв, лежаше.

**Ч**удо страшное бысть, вечеру dospевшу и битве утихшей, / многое бо множество воинства российского острием меча падоша, / ихже имена великий авва Сергей, откровением дивным, во обители своей на молитве возношаше.

**Богородичен:** Чудное знамение попечения Твоего, Пречистая Дево Марие, / о роде Российстем явиши в день празднования Рождества Твоего, / преславную победу тому даровала еси.

### **Песнь 9**

**Ирмос:** Камень нерукосечный / от несекомыя горы, Тебе, Дево, / краугольный отсечеса, / Христос, совокупивый разстоящая естества. / Тем, веселящеса, Тя, Богородице, величаем.

**О,** како пострадала земля Российская в битве велицей, / яко множество людей за Отечество души своя положиша, / ты же, святе Димитрие, с молитвой и любовью / во днех мнозех телеса их земли предавал еси.

**О,** како прославися имя Божие в подвизе твоём, княже Димитрие пречудне, в славней победе сей, / еуже люди российстии ига страшнаго свободил еси / и, наречение Донскаго прияв, молитвенник присный о нас являешися.

**О,** како велик бысть подвиг сей в людех твоих, пречудне княже наш Димитрие, / яко и на грядущия времена простресе слава победы / христоролюбиваго воинства российского на поле Куликове.

**Богородичен:** **О** Пречудная Владычице Богородительнице, / на пути людей Твоих и вождей их призирающи / и тем победу на супостаты дарующи, / прими молитвы недостойных раб Твоих, / к Тебе прибегающих.

### **Светилен:**

**П**обеду велию во имя в Троице славимаго Бога, / по слову преславнаго Сергия, / с вои твоими одержал еси, богомудре княже Димитрие. / Тем тя, яко предстателя пред Богом, вси почитаем.

### **Слава, и ныне, Богородичен:**

**Е**динаго от Троицы Бога в ложеснах Твоих носила еси, Богомати Пречистая. / Сего Бога Слова и Сына Твоего о людех умоляющи, / покрый нас предстательством Твоим, Всепетая.

### **На хвалитех стихире, глас 8:**

### **Подобен: О преславнаго чудесе:**

**О** велия милости Божия! / Аще и пострада град Москва послежде / от набегов вражиих, / обаче тии невозмогаша поколебати мира, / во Отечестве твоём, святе Димитрие, / тобою утвержденнаго.

**О** достойное благодарение! / Многи храмы и обители прекрасны воздвигл еси,  
/ блаженне Димитрие, / по одолении нашествия агарянского, / обитель же Сергия  
Преподобнаго / дары многими украсил еси.

**О** неистощимая сила любви! / Послушание Преподобнаго Сергия исполняя, /  
святые Димитрие, / моление по воинном убиенным совершал еси, / такожде и мы  
даже до ныне творим, / Димитриеву субботу соблюдающе.

**Слава, глас тойже:**

**Д**а помянуты будут купно со святым Димитрием князем / вси людие  
российстии, / души своя о спасении ближних положившии. / Тако воспомянем  
достойно преподобнаго первоборца битвы Куликовския / схимонаха Александра  
Пересвета / и пострадавшия во брани князя Михаила Бренка / и схимонаха  
Андрея Ослябю. / Да почтутся любовью купно сподвижницы Димитриевы, / князь  
Владимир Храбрый и воевода нарочит Димитрий Волынский, / еще же и Андрей  
князь, / с ними же и прочии вои, / за землю Русскую не пощадившии живота  
своего.

**И ныне, праздника.**

## НА ЛИТУРГИИ

1. Утешение богатое и образ богомудрый имел еси, княже Димитрие, / во отце твоём духовнем, святителе Алексии премудрем, / како управити Отечество твое.
2. Утешение обильное приял еси в сердце твоём, святе Димитрие, / послушав словеса богомудраго святителя, / к мужеству укреплявшаго тя.
3. Утешение велие имел еси, богомудре княже Димитрие, / видя многи други твоя / во бранех о Бозе готовыя верно сподвизатися ти.
4. Смиренномудрие удобообразсудительное и любовь изрядную к верным людем твоим показал еси, / преславне княже Димитрие, / егда ко брани велией на Мамаю ополчился еси / со сродники и други своими.
5. Смиренномудрие велие явил еси, святе Димитрие, / егда к стопам Сергия Преподобнаго припал еси, / того благословения на подвиг ратный испрошая.
6. Смиренномудрие и послушание явил еси отцу твоему, Сергию великому, / егда благословением того два инока боголюбивая, Александра и Андрея, / в воинство твое приял еси.

### Тропарь, глас 3:

Велика обрете в бедах тя поборника земля Русская, / языки побеждающа. / Якоже на Дону Мамаеву низложил еси гордыню, / на подвиг сей прияв благословение Преподобнаго Сергия, / тако, княже Димитрие, / Христу Богу молися, / даровати нам велию милость.

### Кондак, глас 2:

Подвиги твоими, святе Димитрие, / страну нашу Бог сохрани, / Давый тебе силу непобедимую. / И ныне, предстателю крепкий, / соблюдай молитвами святыми / град твой Москву невредим / от всех навет вражиих.

### Прокимен, глас 7:

**Прокимен:** Честна пред Господем смерть \* преподобных Его.

**Стих:** Что воздам Господеви о всех, яже воздаде ми?

**Апостол к Галатам, зачало 213. [Гал. 5, 22 – 6, 2.]**

**Б**ратие, плод дѣховный есть любви, радость, мир, долготерпение, благость, милосердие, вера, кротость, воздержание: на таковыхъ несть закона. **А** иже **Х**ристовы съть, плоть распаша со страстьми и похотьми. **А**ще живемъ дѣхомъ, дѣхомъ и да ходимъ. **Н**е бываемъ тщеславни, дрѣг дрѣга раздражающе, дрѣг дрѣгѣ завидяще. **Б**ратие, аще и впадетъ человекъ в некое прегрешение, вы дѣховнии исправляйте таковаго дѣхомъ кротости: блюдыи себе, да не и ты искѣшенъ бѣдеши. **Д**рѣг дрѣга тѣлоты носите, и тако исполните законъ **Х**ристовъ.

**Аллилуиа: Блажен муж бояйся Господа:**

**Евангелие Луки, зачало 24. [Лк. 6, 17–23.]**

**В**о время оно, ста **И**исус на месте равне: и народ ученик **Е**го, и множество много людей от всеа **И**удей и **И**ерусалима и поморна **Т**ирска и **С**идонска, иже приидоша послышати **Е**го и исцелитиса от недѣг своих, и страждущи от дѣх нечистых: и исцелашася. **И** весь народ искаше прикасатиса **Е**му: яко сила от **Н**его исхождаше и исцелаше все. **И** **Т**ой возвед Очи **С**вои на ученики **С**воа, глаголаше: **Б**лаженни нищии дѣхом: яко ваше есть **Ц**арствне **Б**ожие. **Б**лаженни, алчущии ныне: яко насытитеся. **Б**лаженни, плачущии ныне: яко возсмеетеся. **Б**лаженни бѣдете, егда возненавидят вас человецы, и егда разлучат вы, и поносят, и пронесут имя ваше яко зло, **С**ына **Ч**еловеческаго ради. **В**озрадѣйтеся в той день и възыграйте: се бо мзда ваша многа на небеси.

**Причастен: В** память вечную будет праведник:

**МОЛИТВА  
КО СВЯТОМУ БЛАГОВЕРНОМУ ВЕЛИКОМУ КНЯЗЮ  
ДИМИТРИЮ ДОНСКОМУ**

**О** святой благоверный великий княже Димитрие! Аще и не мнози быша дние земнаго жития твоего, обаче велик жребий приял еси от Содетеля всех Господа, еже прославится в земли Российстей и блаженство вечное на Небесех получитьи.

**У**слыши нас, молитвенниче теплый, предстателю наш пред Господем неусыпный! Во дни мира и в годину нестроений не остави нас попечением твоим, научи ны покорны быти Божественному Промышлению, вся в житии нашем ко благу направляющему, Отечество наше молитвами твоими от нашествий вражиих, раздоров и нестроений защити и укрепи теплым твоим предстательством.

**О** святоче Божий! Моли, купно со святою супружницею и сподвижницею твоею благоверною княгинею Евдокиею, да знаменается на нас свет Лица Божия, и, тем наставляеми, достигнем Царства Правды Христовы, нескончаемаго и вечнаго. **А**минь.